

2014 Nienz Gvangjsih Cuengh Gun Song Vahsaw Song-hag Yenzdauj Hozdung Youq Sanglinz Yen Gawjbanh

2014 年广西壮汉双语教学研讨活动在上林县举行

□Lanz Cwng Fanz Gvanghminj/蓝 政 樊光敏

2014 nienz12 nyied 5 hauh, Gvangjsih Cuengh Gun song vahsaw sonhag yenzdauj hozdung youq Sanglinz Yen gawjbanh. Baez hozdung neix dwg Gvangjsih Gyauyuzdingh Minzgyaucu cujiz, gyoengq boux Cuengh Gun song vahsaw gyauyenz yenz aen yienh haicanj Cuengh Gun song vahsaw gyauyuz sawqniemh (benq baihaek) haenx、gyoengqboux Sawcuengh guzgan lauxsae aen hagdangz saedhengz ngeihloih mozi sonhag sawqniemh Cuengh Gun song vahsaw (hamz banyozcenzbanh) haenx camgya aen hozdung neix.

Banhaet, bat lai boux lauxsae daeujaengz gih Cuengh Gun song vahsaw dieg gyauyuz sifan Sanglinz Yen Dangzhungz Yangh Cunghsinh Yozyau camgya hozdung, yienhciegz gvanhmoz Cuengh Gun song vahsaw gyauyuz ngeihloih mozi sonhag sifango. Banringzlaj, gyoengq gyauyenz yenz caeuq lauxsae youq Sanglinz Yen Gyauyuz giz guh bingz goq nem Cuengh Gun song vahsaw sonhag yenzdauj, daihgya doiq baenzlawz gaihcanj hong Cuengh Gun song vahsaw gyauyuz ngeihloih mozi sonhag guh le daujlun gyauhliuz. Swigih Gyauyuzdingh minzgyaucu cucangj Veiz Lanzmingz youq gwnz hoih hozdung gujli daihgya au laebdaeb ciepswnj caeuq fazyangz vwnzva conzdungj Bouxcuengh, vih caux daegsaek Cuengh Gun song vahsaw hagdangz okrengz.



▲ Dangzgo gvanhmoz ndei-dingq dangqmaz.



▲ Gwnz hoih yenzdauj yienhciegz.

Gveigangj Si Cuengh Gun Song Sawvah Sonhag Hagdangz Haiguh “Cib Aen It” Caizyi Baijyienj Hozdung

贵港市壮汉双语学校开展“十个一”才艺展演活动

□Huz Bangjhangz/胡榜航



▲ Gujsanh Siujoyz doengzhag byaujyenj 《Caeuq Nazmeg Dwk Dienhvah.》

► Gujsanh Siujoyz doengzhag diuq foux faexsaur.



▲ Gauhcan Siujoyz dah hagseng iq simmaez dwk danz denswjginz 《Diemj Raemxfwn Saeq》.



▲ Gauhcan Siujoyz doengzhag bvauiveni 《Eu Fwen》.



▲ Dah doengzhag iq Sinhlingj Siujoyz byaujyenj 《Dahniq Ganj Haij》.



▲ Liusui Siujoyz doengzhag byaujyenj 《Seiz Lwgnvez》.

11 nyied 28 hauh, Gveigangj Si Cinzdangz Gih Cuengh Gun song sawvah sonhag hagdangz haiguh “Cib Aen It” caizyi baijyienj hozdung. Cinzdangz gih gyauyuzgiz mizgven lingjdauj、song sawvah hagdangz boux fucwzyinz caeuq hagseng 600 lai vunz daeuj camgya hozdung.

Youq ndaw sam diemj lai cung baijyienj ndaw de, gij cezmuz ndeiawj ndeiri de lai raicaix, bouxyawj yawj ndaej gig maez gig angq. Miz Fwen doxduenz、miz foux faexsaur、foux minzcuz、miz daengxyoengq ciengq、miz bouxdog ciengq…… cezmuz ndeiawj aen lien aen, yienj ok gij daegsaek gak aen hagdangz, yienj ok gij cingzgoj hong yisuz song sawvah hagdang.

Cinzdangz gih haiguh “Cib Aen It” hozdung neiyungz dwg “gangj aen goj ndeu, boih hot sei ndeu, ciengq diuz go ndeu, diuq aen foux ndeu, danz diuz yozgiz ndeu, guh aen soujgungh cozbini ndeu, veh fuk veh ndeu, sij fuk cihsaw ndeu, ingj mbaw siengq diegyaeu ndeu, byaujyenj cungj gigiuj diyzuz ndeu”, guhdaengz “moix aen hagd angz cungj miz hozdung, moix boux vunz cungj au guhfaenh”, cauxbaenz gij daegsaek yisuz caeuq gij heiqaenh diyzuz vwnzva naekna de.